

საქართველოს ტექნიკური უნივერსიტეტის

აკადემიური საბჭოს

2017 წლის 6 ოქტომბრის

დადგენილება №2568

2017-2018 სასწავლო წელს პროგრამული დაფინანსების ფარგლებში  
დასაფინანსებელი სტუდენტების გამოსავლენად  
შიდა გამოცდის ჩატარების წესის დამტკიცების შესახებ

საქართველოს ტექნიკური უნივერსიტეტის აკადემიური საბჭო ადგენს:

1. თუ ბაკალავრიატის აკრედიტებულ საგანმანათლებლო პროგრამებზე, რომლებზეც სტუდენტის სწავლის საფასურს სრულად აფინანსებს სახელმწიფო, 2017 წლის ერთიანი ეროვნული გამოცდების საფუძველზე სრულად არ შეივსო დასაფინანსებლად გათვალისწინებული ადგილების რაოდენობა, ხოლო სტუდენტების რაოდენობა, რომლებმაც აღნიშნულ პროგრამებზე აღიდგინეს სტუდენტის სტატუსი ან ჩაირიცხნენ მობილობის/შიდა მობილობის საფუძველზე, აღემატება დარჩენილი ადგილების რაოდენობას, პროგრამული დაფინანსების ფარგლებში დასაფინანსებელი სტუდენტების გამოსავლენად ჩაუტარდეთ მათ შიდა გამოცდა მათემატიკაში, სრული ზოგადი განათლების ფარგლებში;
2. დამტკიცდეს პროგრამული დაფინანსების ფარგლებში დასაფინანსებელი სტუდენტების გამოსავლენად შიდა გამოცდის ჩატარების წესი (იხ. დანართი).

აკადემიური საბჭოს თავმჯდომარე

ა. ფრანგიშვილი

აკადემიური საბჭოს მდივანი

გ. სალუქვაძე

**პროგრამული დაფინანსების ფარგლებში დასაფინანსებელი სტუდენტების  
გამოსავლენად შიდა გამოცდის ჩატარების წესი**

1. გამოცდა ჩატარდება კომპიუტერული ტესტირების ფორმით.
2. ტესტების შინაარსი და სირთულე შეესაბამება სრული ზოგადი განათლების პროგრამების მოთხოვნებს.
3. გამოცდა ჩატარდება სტუ-ს საგამოცდო ცენტრში.
4. გამოცდის ჩატარების თარიღი და დრო განისაზღვრება რექტორის შესაბამისი ბრძანებით.
5. გამოცდის ხანგრძლივობაა 90 წუთი.
6. გამოცდის ჩატარების მიზნით, სტუდენტის ვალდებულებულია რექტორის ბრძანებით განსაზღვრულ დროს გამოცხადდეს სტუ-ში რეგისტრაციასა და გამოცდაზე.
7. დაგვიანების შემთხვევაში სტუდენტი არ დაიშვება რეგისტრაციასა და გამოცდაზე.
8. სტუდენტს უფლება აქვს თანაქონოს:
  - ა) წყალი;
  - ბ) პირადი ჰიგიენის საგნები;
  - გ) საჭიროების შემთხვევაში სხვანივთები, სტუ-ს საგამოცდო ცენტრის წინასწარი თანხმობით.
9. გამოცდის დროს სტუდენტს ეკრძალება:
  - ა) ამობილური ტელეფონის ან სხვა ელექტრონული აპარატურის ქონა;
  - ბ) დამხმარე მასალის – სახელმძღვანელოების, ჩანაწერების, ფურცლების და სხვათა ქონა და გამოყენება, გარდა სტუ-ს საგამოცდო ცენტრის მიერ შეთავაზებული ნივთებისა;
  - გ) გადალაპარაკება, დახმარების გაწევან მიღება რაიმე ფორმით, სხვა სტუდენტის ან თვის რაიმე ფორმით ხელის შეშლა;
  - დ) სამუშაო ადგილის უნებართვოდ დატოვება. სამუშაო ადგილის დატოვება შესაძლებელია მხოლოდ საგამოცდო ცენტრის ნებართვით, თანმხლებ პირთან ერთად;
  - ე) ტესტური დავალების შესრულების დაწყება შესაბამისი მიმართების გარეშე;
  - ვ) საზოგადოებრივი წესრიგის დარღვევა.

10. გამოცდის დროს სტუდენტები მიიღებენ გაფრთხილებას ამწესის მე-9 პუნქტით გათვალისწინებული მოთხოვნების დარღვევის შემთხვევაში.
11. ამწესის მე-9 პუნქტით გათვალისწინებული მოთხოვნების დარღვევის განმეორების შემთხვევაში სტუდენტი ხსნება გამოცდიდან.
12. გამოცდას უნდა ესწრებოდნენ მხოლოდ სტუ-ს საგამოცდო ცენტრის თანამშრომლები.
13. ამწესის მე-12 პუნქტით გათვალისწინებული პირების გამოცდაზე ყოფნა მხელი არ უნდა შეუშალოს გამოცდის მიმდინარეობას. აღნიშნულ პირებს ეკრძალება თესტის შინაარსთან დაკავშირებით სტუდენტის დახმარება ან მათი უშუალო ბისთვის ხელის შეშლა.
14. გამოცდის ფარგლებში წარმოშობილი პრეტენზიები განიხილება რექტორის ბრძანებით შექმნილი საპრეტენზიო კომისიის მიერ.
15. საპრეტენზიო კომისიის სხდომა სიწვევს და უძღვება საპრეტენზიო კომისიის თავმჯდომარე.
16. საპრეტენზიო კომისია პრეტენზიებთან დაკავშირებით გადაწყვეტილებას იღებს ბრძანებით განსაზღვრულ ვადებში.
17. საპრეტენზიო კომისიის სხდომა უფლება მოსილია, თუმას ესწრება წევრთა სრული შემადგენლობის უმრავლესობა. საპრეტენზიო კომისიის გადაწყვეტილებები მიიღება კომისიის სხდომაზე დამსწრე წევრთა ხმათა უმრავლესობით.
18. საპრეტენზიო კომისიის სხდომაზე ფორმდება სხდომის ოქმი, რომელსაც ხელმოწერით ადასტურებენ საპრეტენზიო კომისიის თავმჯდომარე და კომისიის წევრები.
19. გამოცდის პროცედურის დადგენილი წესის დარღვევის ფაქტის ან გამოცდის შედეგზე (შეფასებაზე) პრეტენზიის თაობაზე სტუდენტი უფლება მოსილია შეიტანოს განცხადება საპრეტენზიო კომისიაში, გამოცდის დამთავრების შემდეგ, ბრძანებით დადგენილ ვადებში.
20. პრეტენზიის წარდგენისას სტუდენტმა თან უნდა იქონიოს პირადობის მოწმობა/პასპორტი.
21. დარღვევის ფაქტის თაობაზე წარდგენილი პრეტენზია შეიძლება აეხებოდეს:
  - ა) პრეტენზიის წარმდგენის სტუდენტის უფლებების დარღვევას სხვა სტუდენტების მიერ;
  - ბ) სხვა სტუდენტის მიმართ გამოცდის პროცედურის დადგენილი წესის დარღვევას სხვა სტუდენტის მიერ (სტუდენტისათვის დახმარების აღმოჩენა და ა.შ.);

გ)

სმიერსტუდენტის მიმართ გამოცდის პროცედურის დადგენილი წესის დარღვევას;

დ) გამოცდის პროცედურის სხვა დარღვევებს;

ე) გამოცდაზე მიღებულ შეფასებას.

22. საპრეტენზიო კომისია პრეტენზიების განხილვას იწყებს განცხადების შეტანის ვადის ამოწურვისთანავე და მიღებულ გადაწყვეტილებას აცნობს სტუდენტს ბრძანებით დადგენილ ვადებში.
23. გამოცდის საბოლოო რანჟირებული შედეგები წარედგინება სწავლების დეპარტამენტს იმავე დღეს.